

Delegacion pisa lo viaha pa Hulanda cu mision special

Mester haya un cantidad di Arubianonan pa yena e cuponan di trabao cu tin

Pa e proximo 2 aña mester di 400 persona pa traha den hotel

ORANJESTAD(AAN) -- Un delegacion pisa lo viaha pa Hulanda cu e mision pa haya un cantidad di Arubianonan pa yena e cuponan di trabao cu a keda registra na Job Center.

Notable ta cu actualmente e desaroyo na Aruba ta bay asina rapido cu mester un cantidad di persona pa ocupa e cuponan di trabao cu ta existi.

Aruba actualmente no ta den e posicion pa yena tur e cuponan aki y pa evita cu lo mester busca extranhero, Gobierno a dicidi di acerca e Arubianonan cu, pa motibo di desempleo na Aruba a bay biba na Hulanda, pa mira cuanto kier regresa nan pais.

Pa registra tur cos y pa suministra informacion na esnan interesa lo introduci un tipo di Job Center na Hulanda y tambe lo introduci e programa di enseñanza pa empleo pa asina train e Arubianonan cu ta regresa nan pais.

Tambe lo bay mira cuanto di e Arubianonan ora nan regresa nan pais tin un lugar pa hospeda. Esnan cu no tin caminda di hospeda Gobierno lo duna apoyo den sentido di financiamiento pa huur un cas etc.



ya cu e cantidad di personanan cu ta regresa ta mas cu esnan cu ta bandona nan pais.

SCARCEDAD TI TRAHADOR

Investigacion cu Job Center a haci ta indica cu tin scarcedad di trahador ariba tereno di construccion.

Notable ta cu Aruba actualmente no ta den e posicion pa yena tur e vacaturanan cu actualmente ta existi ariba tereno di construccion.

Pa loke ta trata e sector turistico Ministro Croes a señala cu tin un lista di hotelnan den construccion cu e aña aki ainda lo cuminsa opera.

Esaki ta indica cu mester hende

pa ocupa e puestonan den e hotelnan aki.

Ministro Croes a enfatisa cu pa e proximo 2 añanan lo mester 4000 persona pa traha den hotel.

Pa yena e cuponan di trabao aki a cuminsa cu e programa enseñanza pa empleo. Actualmente tin 260 persona cu ta participa na e programa aki.

Ariba tereno di construccion ta asina cu na comienzo di December, 60 persona lo termina nan curso y asina yuda reduci e escases cu actualmente ta reinando.

Sinembargo mirando e construccionnan cu ta bay cuminsa, e cantidad aki no ta suficiente.

Esaki ta significa cu mester bay busca hende di afor y pesey Gobierno a dicidi di acerca e Arubianonan cu ta biba na Hulanda.

PROGRAMA INTENSIVO DI INFORMACION NA HULANDA

Meta di e viahe pa Hulanda ta pa mira si por logra haya mas tanto Arubiano cu ta posible pa asina cubri e cuponan di trabao pa e proximo temporada.

E delegacion cada dia lo bishita un ciudad. En total ta trata aki di 9 ciudad na Hulanda, caminda lo informa tur e Arubianonan encunto e posibilidad di empleo na Aruba.

A escoge e ciudadnan caminda e concentracion di Arubiano ta mas grandi.

Despues di e programa informativo, tur esnan cu a asisti lo ricibi un formulario similar na

esun cu ta worde usa na Job Center.

Ariba e formulario aki tin algun pregunta adicional esta: si e persona interesa di regresa tin lugar di keda na Aruba y ki tempo mas o menos e ta disponible pa regresa.

Ministro Croes a enfatisa cu te ainda no tin un bista ariba e problema di alohamento na Aruba. E meta di e viahe ta pa den un forma mas corecto haya un bista ariba e asunto di alohamento pa asina mira den ki forma Gobierno por duna apoyo.

E delegacion ta consisti di entre otro Prome Ministro Eman, representante di A.H.A.T.A., F.T.A. y W.A.B. Ministro Croes a enfatisa cu te ainda nan no a haya confirmacion di F.T.A.

E intencion ta pa duna tur informacion cu ta necesario di Aruba.

JOB CENTER NA HULANDA

Lo bay introduci un tipo di Job Center na Hulanda caminda diariamente por ricibi informacion encunto e vacaturanan na Aruba.

Esaki lo bay via computer, caminda e programa cu tin na Aruba lo worde manda Hulanda. Informacionnan di Hulanda tambe lo worde manda Aruba.

Tur cos lo keda registra na e centro aki.

Lo bin cu un programa di enseñanza pa empleo na Hulanda pa asina e Arubianonan cu kier regresa pa train na Hulanda. Señor van Drie lo ta encarga cu esaki.

ENTRE 1983 Y 1987 500 PERSONA A BANDONA ARUBA

Ministro Croes a enfatisa cu investigacion cu Gobierno a haci a indica cu entre 1983 y 1987, 5000 persona a bandona Aruba.

Esaki ta indica cu tabata tin

tension ariba e mercado laboral cu a causa cu un cantidad di Arubiano a haya nan mes obliga di bandona Aruba.

Cifranan cu Gobierno ta dispone di dje ta indica cu e grupo mas grandi cu a bandona Aruba tabata na 1985.

Tabata trata aki di e saldo negativo di 3093 persona.

Sinembargo na 1988 "Burgelijke stand" a nota un cambio